



ORDENANTZA 9. ZK

AGURAINGO UDALA ARABAKO LURRALDEA

UDAL ZABORTEGIA ERABILTZEAGATIK ORDAINDU
BEHARREKO TASA ARAUTZEN DUEN ORDENANTZA

XEDAPEN OROKORRAK

1. artikulua

Udal honek, Arabako Lurralde Historikoko Toki Ogasunak arautzen dituen Foru Arauarekin bat etorritz, udal zabortegia erabiltzeagatik ordaindu beharreko tasa ezartzen eta eskatzen du, ordenantza honen arabera.

2. artikulua

Ordenantza udalerrri osoan ezarriko da.

XEDEA

3. artikulua

Ordenantzaren xedea da udal zabortegia erabili, kudeatu eta ustiatzeko baldintzak arautzea. Horrela, zabortegia ahalik eta egokien kudeatuko da, ingurumena eta gizakion osasuna babestearren.

4. artikulua

Ordenantza honetan aipatzen den zabortegia udal honen eremuan sortzen diren hondakin solido eta bizigabeak uzteko eta tratatzeko baino ez da izango.

5. artikulua

Ordenantza honen ondorioetarako honako hauek dira hondakin solido eta bizigabeak: zabortegian utzi ondoren eraldaketa fisiko eta kimiko zein biologiko garrantzitsurik ez dituzten hondakin solidoak edo oretsuak, Hondakin Toxiko eta Arriskutsuei buruzko 20/1986 Legeak eta horrekin bat datozen bestelako arauak diotenaren arabera toxikoak eta arriskutsuak ez badira.

ONARTZEN DIREN ETA ONARTZEN EZ DIREN HONDAKINAK



6. artikulua.

Onartzen diren hondakinak

Zabortegean onartu ahal izango dira ondorengo taldeetako hondakin bizigabe guztiak, udal garbigunean onartzen ez badira:

a) Indusketak, lur-erazketak eta lur-higadurak direla-eta ateratzen den lurra (osagai naturalez, landare lurraz, buztinaz, nekazaritzako lurra osatzen duten harri eta haitz disgregatuez, eta lur horren euskarri den substratu harritsuaz osatutakoa), 50 kilotik gorako pisua bada. Hori baino gutxiago bada, garbigunean utziko da.

b) Herri lanak eta eraikuntzak bota edo eraisten direnean sortzen diren hondakinak, bai eta etxeetan eta lokaletan egindako igeltsero lanetan sortutakoak ere, 50 kilotik gorako pisua badute. Hori baino gutxiago bada, garbigunean utziko da.

c) Soberan gelditu den hormigoi, kare eta igeltsua, blokeak ez badira.

d) Agregatuak eta hareak garbitzen direnean gelditzen diren lohi lehorrak.

e) Lorategiak eta berdeguneak mantentzeko lanetan eta zuhaitzen inausketetan sortzen diren hondakinak.

f) Kortxoak, zur txirbilak, zerrautsa eta bustita ez dagoen beste edozein zelulosazko material.

g) Aurreko letretan zehaztuta egon ez arren, arduradunaren iritziz horien antzekoa den beste edozein material. Hondakinak nondik datozen ez badakigu, ezer baino lehen identifikatu egingo dira gero zabortegea botatzeko.

7. artikulua.

Onartzen ez diren hondakinak Ondoren aipatzen diren hondakin guztiak ez dira inolaz ere zabortegean onartuko:

7.1.- Hirian berariaz sortzen diren hondakin solido guztiak eta horien izaera berdintsua duten guztiak.

a) Etxeetako zaborra biltzen denean sortzen diren hondakinak.

b) Kaleak garbitu eta eskobatzen direnean sortzen diren hondakinak, bai eta paperontziak husten direnean ateratzen direnak ere.

c) Fabrika, lantegi, biltegi eta azoketan sortzen diren hondakinak, etxeko zaborra biltzeko udal zerbitzuak bildu beharrekoen berdintsuak badira.

d) Plazak eta kanpalekuak garbitu eta zaintzetik sortzen diren hondakinak

e) Udal bulegoak eta komunitatekoak garbitzetik sortzen diren hondakinak, ospitale, laborategi eta hiltegiatan sortutakoak barne.

f) Altzariak, etxeko elektratresnak, gauzak, traste zaharrak eta antzeko beste edozein hondakin.



7.2.- Atmosferako agenteekin alda daitezkeen edo erreakzioren bat izaten duten industriako hondakinak.

- a) Elikagaien industrietako hondakinak eta opilak (lumak, hezurak, eta abar)
- b) Hiriko hondakin ura araztu ondoren sortzen diren lokatzak.
- c) Ikatz, grafito eta antzekoen hondarrak.
- d) Simaurrak eta oilo-zirinak.

7.3.- Gaixotasunak edota infekzioak ekar ditzaketen hondakinak.

- a) Ospitale eta kliniketako hondakinak, hondakin anatomikoak eta antzekoak.
- b) Konfiskatutako materialak eta egoera txarrean dauden elikagaiak.
- c) Hiltegietako eta udalaren antzeko lekuetako hondakinak, bai eta okela-industrietakoak ere.
- d) Abere hilak.
- e) Azterketa klinikoetarako eta esperimentu biologikoetarako laborategietako hondakinak.
- f) Arduradunaren iritziz, gizakiarentzat edo abereentzat kutsakorrek edo infekziosoak diren gaixotasunak zabaldu edota sortarazi dezaketen hondakinak.

7.4.- Industriako hondakinak, hondakin likidoak, bereziak, toxikoak eta arriskutsuak.

- a) Industriako edozein hondakin likido edo erdi-solido.
- b) Pinturak eta bernizak
- c) Industriako olioak eta koipeak eta horiek berriro sortzetik edo erabiltzetik sortutako hondakinak.
- d) Asfalto-hondakinak edo oretsuak.
- e) Errautsak eta nabari ez diren hautsak.

7.5.- Onargarrien antzekoak izateko baldintzak betetzen ez dituzten hondakinak ere ez dira onartuko, ez eta arduradunaren iritziz onartu ezin den bestelako hondakin ere.

ZABORTEGIAREN ERABILTZAILEAK

8. artikulua

Honako hauek izango dira hondakin bizigabeen zaborteziaren erabiltzaileak: zaborteziaren instalazioetan hondakinak zuzenean nahi zeharka botatzen dituzten pertsona fisikoak eta juridikoak.

9. artikulua.

Zaborteziaren erabiltzaileek tasa bat ordaindu beharko dute zerbitzu publiko hori erabiltzeagatik. 2009an tasa hori 5,50 euro izango da tonako.



ZABORTEGIRA HONDAKINAK BOTATZEKO BAIMENA

10. artikulua

Zaborteia erabili nahi dutenek udalaren baimena beharko dute. Hondakinak botatzeko baimena eman aurretik udal garbiguneko inprimakia bete beharko da, han pisatuko baitira zabortegira botako diren hondakinak.

11. artikulua

Udalak, bere langileen bitartez, zabortegira bota nahi diren hondakinak aztertu eta ikertu ahal izango ditu edozein unetan, eta, berariaz baimendutakoak ez badira, debekatu ahal izango du hondakinak bertara botatzea.

11.bis artikulua

2009an zehar, egungo zabortegian lanean diren bitartean, zabortegira bota beharrekoak doan bota ahal izango dira garbigunean. Dena den, zabor horiek 25 kiloko zakuetan bildu beharko dituzte erabiltzaileek.

ZABORTEGIA ERABILTZEKO ARAUAK

12. artikulua. Hondakin bizigabeak botatzea

Zaborteia erabiltzen dutenek hondakinak unean-unean esandako lekuetan bakarrik botako dituzte, eta bota ere zabortegiaren arduradunen adierazpenei jarraituta egingo dute.

13. artikulua. Hondakinak onartzeko baldintzak

Aurretik baimena eduki arren, ondoko ezaugarrietako bat duten hondakinak ezin izango dira zabortegira bota:

- 1.- Tenperatura altuak dituztenak, hau da, giroko tenperatura baino 10 gradu zentigradu gehiago dutenak edo sutze-egoeran daudenak.
- 2.- Ehuneko 65 baino gehiagoko hezetasuna dutenak.
- 3.- Zabortegira botatzearekin pertsoneri, gauzei edo ingurumenari kalteak sortzen bazaizkie, edo zabortegiko lanen antolaketan arazo handiak sortzen badira.
- 4.- Ezingo dira bota bloke trinkotuetan aurkezten diren hondakinak, haien bolumena metro kubiko erdia (0,5 m³) baino handiagoa bada edo haien neurria 0,8x0,8x0,8 m baino handiagoa bada.
- 5.- Era berean, ezin izango da unean uneko lanetako hondakin solido bizigaberik bota, hondakinen bolumena dela-eta zabortegiak gutxi gorabehera daukan bizi-iraupen erabilgarria arriskuan jartzen bada.
- 6.- Hondakinak onartuak izan daitezten egin beharreko egokitzapenak hondakinen arduradunen kontura egingo dira.



14. artikulua. Hondakinak entregatzeko baldintzak

- 1.- Hondakinak garraiatzeko berariaz prestaturiko ibilgailuetan entregatu beharko dira; bestela, ez dira onartuko.
- 2.- Hondakinak baldintza txarretan garraiatzeagatik edo deskargatzeagatik zabortegiko instalazioetan, ingurumenean edo hirugarren batzuegan kalteak edo istripuak sortzen badira, hondakinak garraiatu dituenak edo, haren ordean, hondakinak sortu edo eragin dituenak erantzun beharko ditu kalteengatik, kalteak zabortegian bertan gertatu badira ere.
- 3.- Hondakinak gaizki garraiatu edo deskargatu direlako, zabortegirako sarbideetan edo zabortegian bertan hondakinak erori badira, hondakinak garraiatu dituztenek jaso eta kendu beharko dute lurrera eroritakoa.
- 4.- Hondakinak garraiatu dituenak bere erruz lurrera eroritako hondakinak kendu nahi izango ez balitu, zabortegiaren arduradunak egin beharko du lan hori, baina lanen kostuak hondakinaren jabeari edo titularrari kobratu ahal izango lizkioke.

15. artikulua. Zabortegian sartzea

- 1.- Zabortegian sartu ahal izateko erabiltzaileek dagokion baimena eduki beharko dute. Baimen hori udal garbigunean eskatu beharko dute aurretik.
- 2.- Zabortegia ikusteko bisitariak bertako arduradun kualifikatu batekin joan beharko dute.
- 3.- Zabortegian sartzen direnak, hondakinak bertara eramaten dituzten ibilgailuen ohiko gidariak barne, zabortegiko arduradunak unean-unean emandako aginduei kasu egin beharko diete nahitaez.
- 4.- Aurreko artikuluetan adierazten dena betetzen ez bada, zigorra ezar daiteke, baldin eta erantzulearen erruz istripurik edo arazorik gertatzen bada.

16. artikulua. Ibilgailuak zabortegiaren barruan zirkulatzea

Zabortegiaren barruan ibilgailuak horretarako prestaturiko bideetatik baino ez dira ibiliko, eta bertan dauden zirkulazio seinaleak errespetatu beharko dituzte.

17. artikulua. Hondakinak botatzeko eremua

Hondakinak esandako lekuetan bakarrik utziko dituzte ibilgailuek, eta utzi ere zabortegiaren arduradunen adierazpenei jarraituta egingo dute.

18. artikulua. Zabortegian egotea

Bai ibilgailuak bai ibilgailuetan doazenak hondakinak deskargatzeko behar duten denbora baino ez dira egongo zabortegian.

19. artikulua. Hondakinak erretzea

Hondakinak ezingo dira zabortegiaren barruan erre, horretarako prestaturiko instalazioetan eta udalaren baimena edukita egiten badira izan ezik.



20. artikulua. Hondakinen bila aritzea

Ezingo da hondakinen bila aritu ez eta hondakinak manipulatu ere, baimendutako langileek hondakinak tratatzeko egin behar dituzten eragiketetan izan ezik.

21. artikulua. Behar ez bezalako erabilera

Zabortegeiak okupatzen dituen lurrak hondakin solido bizigabeak uzteko baino ezingo dira erabili.

22. artikulua. Ordutegia

Ordutegi jakin bat ezarriko da hondakinak jasotzeko, horrela erregulatu ahal izango baitira zabortegeira heltzen diren hondakinak. Beraz, ezingo da ordutegi horretatik kanpo inolako hondakinik bota, ez bada Udaleko Zerbitzu Teknikoek baimendutako salbuespen kasuren bat. Dena den, ordutegia zabortegeia erabiltzen dutenen premietara egokituko da.

ARAU HAUSTEAK ETA ZEHAPENAK

23. artikulua

Ondorengo hauek hartuko dira ordenantza honen aurkako arauhaustetzat:

- a) Ordenantza honen arabera onartezin diren hondakinak botatzea.
- b) Zabortegeia udalaren baimenik gabe erabiltzea.
- c) Hondakinak baimenik gabe uztea edo botatzea.
- d) Ordenantza honen arabera udal zerbitzuei dagozkien ikuskapen eta kontrol lanak eragozte, era aktiboan nahiz pasiboan.
- e) Udalak hondakinak nolakoak edo zenbat diren, eta nondik datozen galdetzean, nahita isiltzea, edo horiei buruzko datu faltsuak edo iruzurrezkoak ematea.
- f) Egiteagatik edo ez egiteagatik, ordenantza honetan ezarritakoaren aurka doan beste edozer.

AZKEN XEDAPENA

Udal zabortegeia erabiltzeagatik ordaindu beharreko tasa arautzen duen ordenantza 2008ko azaroaren 12an onartu zen behin betiko, 2009ko urtarrilaren 1etik da indarrean eta hala jarraituko du berariaz aldatzea edo indargabetzea erabakitzen den arte.

O. E
PRESIDENTEA

IDAZKARIA